庫全書

子部

欽定四

子部

藝文類聚卷十八

校對官中書臣李 峑 總校官知縣臣楊越珩

員外即臣牛稔文覆勘

詳校官中書臣李 彤

騰嚴監生臣任楫文

欽定四庫全書 易說計曰乾為首 The second of the second of the second 於問白頭者 首始 唐 古 也 歐陽詢 撰

之美人以戲弄故臣復取璧大王必欲急臣臣頭今與 春秋元命芭曰頭者神所居上圓象天 記曰藺 蝢 斗威儀曰君來火而王其民銳頭君來水而王其民 子曰湯長頭而髯髮 詩曰螓首蛾眉 齊戒五日使臣奉壁今大王見臣禮節甚倨得璧傳 相 如為趙使泰持壁却立倚柱謂秦王曰趙

久一四 嚴 漢書曰陳遵長八尺餘長頭大鼻容貌甚偉 東觀漢記曰彭寵與吳漢圍隗囂於西城勃彭書曰 澠 池之會臣察武安君小頭而銳瞳子白黑分明視 執志強也可與持久難與爭鋒廉頗足以當之 九三将叔曰趙孝成王曰誰能當武安君平原君 俱碎於杜矣 系譜曰神農牛首結繩而治伏羲人頭蛇身 小頭而銳衡敢行也目黑白分見事明也視瞻 藝文類聚 西 贍 日

蜀每 扁 魏志曰辰韓國兒生以石押其頭欲其扁今辰韓人皆 搜神記曰南方有落頭民具時將軍朱桓一 城若下便可將兵南擊蜀人苦不知足既平雕重望 乃蒙之以被至晓頭還礙被不得安再三囱地而其體 數數如此傍人惟之夜照視唯有身無頭其體微冷 輛飛去或從狗竇或從天牎中出以耳為異將晚復 頭 發兵頭髮為白 婢每夜卧後

て こう ここ 頭 幽 氣急疾若將死者乃去被頭復起附得安復瞑如常 洞林曰郭璞為左尉周都卜云君且堕馬傷頭尉後乗 喜口果慈頭定视是一 記曰符堅祖洪見堅狀貌欲令頭堅腹軟字之曰 行黄昏坂下犢車觸石馬幣頭打石上流血殆死 仙傳曰曹公捕左慈數日得之便斷頭以白曹公公 明錄口河東賈弼之義熙中為琅琊府參軍夜夢有 藝文類聚 未矛爾 堅

陽張茂先上郡劉文生南陽鄒潤前河南鄭冽余友有 文晉張敏頭責子羽文曰太原温長仁顏川首景伯范 半面笑兩足手口各捉 欲易頭可乎乃於夢中許易明朝起自不覺而人悉驚 走藏云那漢何處來獨取鏡自看方知恠異曰還家家 悉為入內婦女走藏云那得男子獨坐自陳說後能 近如先 人面查配版老甚多鬓大鼻瞯目請之曰爱君之貌 筆俱書辭意皆美此為異

卷十七

禪冠之義故因泰生容貌之盛為頭責之文以戲之并 齒眸子摘光雙颧隆起每至出入人間遨遊市里行者 我以精造我以形我為子時髮膚置鼻耳安鬚眉插牙 嘲六子頭責子羽曰吾託為子頭萬有餘日矣大塊禀 繼踵登朝而此賢身處陋卷屢沽而無善價為之慨然 辟易坐者竦跽如此者故我形之足偉也子冠冤弗戴 秦生者雖有姊夫之尊少而狎之同時昵好張前之徒 又怪諸賢身已既在位曾無伐木嚶鳴之聲又違王貢 藝文類聚

仇居常不樂兩者俱憂何其都哉子欲為仁賢耶當如 带索漁父之饞灣棲遲神丘垂餌巨壑令子上不希道 皋陶后稷巫咸伊陟保乂王家永見封殖子欲為名髙 辭從容子欲為恬淡耶則當如老聃之守一莊周之自 逸 金银弗佩古味弗當食栗茹菜子遇我如雠我視子如 クログ 為遊說耶則當如陳彰蒯通陸生都公轉禍為福含 則當如許由子臧卞隨務光洗耳逃禄千載流芳子 解然離俗志凌雲日子欲為隱逐耶則當如柴期之

欠いりるという 故吾不敢造意頭曰吾欲告爾以養性誨爾以優遊而 忠耶則當如子胥屈平欲使吾為信耶則當殺身而成 常人之所喜對日吾以大幸為子所寄今子欲使吾為 志退不能為處士進無望乎三事而徒玩日勞形習為 德中不効儒墨塊然窮賤守此愚惑察子之情觀子之 擬人其倫諭子儕偶子曾不如太原温顋穎川首禹范 與蟣垂同性不聽我謀悲哉俱御人體而獨為子頭且 名欲使吾為介節耶赴水火以全貞此四者人之所忌 藝文類聚

無官商或匹陋布言語或淹伊多姿態或雕縣上此少 難以求富嗟乎子羽何異牢檻之熊深穿之虎石間餓 陽張華上郡劉許南陽鄒湛河南鄭詡此數子或賽吃 老無所希也 蟹竈中之鼠事力雖多而見功甚少宜其踡弱煎壓至 諝 或口如含膠的或頭如中壓杵而猶以文采可觀意 思詳序攀龍附鳳並登天府豈若夫子徒令唇口腐爛 手足霑濡哉居有事之世而恥為權謀譬猶鑿地抱甕

易說卦曰離為目 毛詩日美目盼兮 山海經日一臂國為人一目中其面而居 目储其腹 重明 春秋孔演圖日蒼頡四目是謂並明又舜重瞳子是謂 左傳曰宋華父督見孔父之妻目逆而送之又曰睅其 ここりことという E 藝文類聚 3;

胡非子曰目見百步之外而不能見其皆 孝經援神契曰伏犧大目 孫卿子曰堯舜三眸子 仁義翻然乃慣吾心亂莫大馬 莊 老子曰五色令人目盲 而語仁義老聃曰夫播糠眯目則天地四方易位矣夫 **馬仲尼日若夫人者目擊而道存矣又曰孔子見老聃** 子曰温伯雪適齊舍於魯仲尼見之而不言子路問 ドルノー 一日

慎子曰離朱之明察毫未於百步之外下水尺不能見 楚解曰娱光渺視目增波又曰蛾眉曼睩目騰光又曰 淺深非目不明其勢難覩也 孟子曰伯夷目不視惡色 孫卿子曰厭目而视者視 帝子降分北渚目眇眇兮愁予又曰滿堂兮美人忽獨 尸子口使目在足下則不可以視 () () () () () () 與余兮目成 藝文類聚 以為兩也

所忘也 五石之聲而目不見太山之高何則小有所志而大有 孔叢子曰夫子適周見長弘言終退長弘語劉文公曰 淮南子曰夫目察秋毫之未而耳不聞雷霆之音耳調 之於欺人瞽也君奚怨乃弗殺 惠子曰瞽睞兩目君奚弗殺駟東欺齊侯南欺别王駟 見鄒君曰有人見君則映其一目奚如君曰我必殺之 韓子曰田腳欺鄒君鄒君將殺之田腳恐告惠子惠子

金厂区

貌也 吾觀仲尼有聖人之表其狀河目而隆額是黄帝之形 史記曰吳王賜子胥屬鏤之剱以死子胥仰天嘆曰 漢書曰東方朔上書臣朔目若懸珠齒如編貝 吾眼著吳東門上以觀越寇之入滅吳也乃自到 これし ロー・ハー 竹林七賢論曰王戎眸子洞徹視日而眼明不虧 鄭玄别傅曰玄秀眉明目 東觀漢記曰馬援眉目如畫 藝文類聚

彼正直 箴宋謝惠連目箴曰氣之清明雙眸善識唯道是視瞻 銘齊竟陵王蕭子良眼銘曰惟正是視玄黃匪惑非禮 密中意浮光逐笑迎 詩梁劉孝綽詠眼詩曰含鳩矈已合離怒動還開欲知 金りし 不觀儀形是則慎爾所觀無愆斯德 賴鄉記曰老子大目 耳 んとし

淮南子曰禹耳三漏是謂大通與利除害决江疏河 相書曰耳門小富而佐 樊氏相法曰耳門不容麥百歲 孟子曰伯夷耳不聴惡聲 日漢方不利寧能禁信王乎因立之 スハリタ・ハハリ 三 老子曰五 音令人耳聾 其勢不定漢王大怒張良陳平躡漢王之足附耳語 記日韓信使人言於漢王齊反覆之國不為假王鎮 北大頂髮

我為降虜絕縛我急獨不可一言耶操曰縛虎不得不 英雄記曰曹公擒吕布布顧劉備曰玄德卿為上坐客 覺曰此出口八耳之言必大事也則往見光 皆言此天人也 蜀志曰先主長十尺五寸垂臂下膝顏自見其耳 列士傳曰燕丹使田光往候荆軻值其醉唾其耳中軻 范劈後漢書曰珠崖儋耳其渠師耳垂肩三寸 列仙傅日務光夏時人耳長七寸陽都女耳細而長衆

金は、ロットノーを

一人とヨーノこう 戲常避護不欲今衢見也衢後聞之乃騰其風智如此 魏書荀攸年七八歲父衢曾醉誤傷攸耳而攸出八遊 乎操領之布目備曰大耳兒最回信 急曹公欲緩之備曰不可公不見布事丁建陽董太師 樊氏相法曰人耳国長寸三分壽百二十歲一 楚辭曰曾頰倚耳曲眉規 賴鄉記老子耳有三門 朴子日老君耳長七寸 藝文預聚

東之閒寧預清談而閉塞開鄙穢而聰明竭微聴於 誠 賦晉祖台之前子耳賦曰夫惡勞而希逸實萬物之至 巧言離辯異羣無述邪諂炷感莫分 銘齊竟废王蕭子良耳銘曰惟耳是聽仁愛是聞詳察 閣 採羣下之風聲 何 二理六十 如豆生即 期耳之不辰託荀子而宅形在府土而長勤無 死耳門前有仙人杖四理一 百歲三理 須

老子曰五味令人口爽 易說卦曰允為口 ことコーハー 之則掩口而對又曰趙文子其言呐呐然如不出諸其 孝經曰口無擇言 孝經援神契曰舜大口又曰孔子海口含澤 記日數前無為口容又曰口容止又日負剱辟四 藝文類泉 詔

年日子獨不聞坎井之龍謂東海之鼈曰坎井之樂亦 孫龍口吐而不合舌舉而不下 莊 其意非在錯也且臣恐天下之士噤口不敢復言 見景帝曰呉王為反數十年矣發怒削地以誅錯為名 史 至矣子奚不來入觀乎鼈左足未入而右膝已繁矣公 記曰秦始皇遊於會稽渡浙江項梁與籍俱觀籍 子曰公孫龍問於魏年曰吾聞莊子之言芒高異之 可取而代也梁掩其口曰無妄言誅族矣又曰鄧 日

スピロュンす 亡乎曰亡豈非以剛耶常擬曰天下事盡矣又曰惡言 常摐乃張其口示老子曰舌存乎曰存豈非以較耶齒 說苑日常擬有疾老子曰先生疾甚無遺教語弟子乎 食不可以言 漢書曰漢王擊魏豹問點食其曰魏大將誰也曰栢直 馬不能追也 不過口苛言不留耳口者關也舌者機也出言不審駒 藝文頻聚

鬼谷子曰口者機關也所以開閉情意也又曰口可以

之 漢王曰是口尚乳臭又曰周昌曰臣口不能言心知其 養生要尹氏内解曰口為華池 養生經日軍營之中有甘泉軍營 應幼漢官儀曰侍中刀存年老口臭帝賜雞舌香令含 也故諺曰使口如鼻至老不失 不可又曰揚雄口吃不能戲談 グレ 恕體論曰束修之業其上在於不言其次莫如寡知 Ė 1-1 甘泉唾 也

久に四十二十二日 多舌人也 相書曰欲知人多口舌當視其口如鳥喙言語皆聚此 誡 晉傅玄口誡 日勿謂何有積怒致咎勿曰不傳伏流 箴宋謝惠連口箴曰宣納之由實伊樞機唯舌是出馳 腳安追差麾千里君子慎微何用口奏信在甘肥 賴鄉記曰老子方口 相書雜要曰口大容手赤如朱丹貴且壽 吳錄曰孫權方順大口目有精光 藝文類聚

莊子曰公孫龍口吐而不合去舉而不下 鉛齊竟陵王蕭子良口銘曰惟口是慎慎乎語笑三緘 也 是戒事重周廟戒之戒之無贻殿請 山海經日反舌國其人反舌 成川蟻孔潰河流穴傾山 吕氏春秋曰善為君者蠻夷反舌殊俗異習皆服德厚 も

臨送軻之時言太子戒以國事恥以丈夫而不見信 之古強於百萬之師又曰留侯曰家世相韓韓滅不爱 軻吞舌而死矣 燕丹子曰荆軻之燕太子曰田先生今無恙乎軻曰光 萬金之資為韓報雌強泰天下振動今以三寸舌為帝 儀當從楚相飲已而楚相亡壁門下意儀盜壁共執儀 者之師封萬户位列侯此布衣之極於良足矣又曰張 記日平原君已定從而歸至於趙日毛先生以三寸 向

手儀張口一 鉛定匹库全書 矣齒再墮而舌尚在 髮皓白鳥面人形而虎尾恒與玉女更投壺 說苑日韓平子問叔向日剛與軟孰堅對日臣年入 掠笞數百不服釋之其妻曰子無讀書游說安得此辱 漢書蒯通謂韓信曰酈生一士伏軾掉三寸舌下齊七 城 異經日東荒山中有大石室東王公居之長一丈頭 日視吾舌尚在否妻日在也儀曰足矣

頃如故 捜 圖已之意操自咋其舌流血以失言戒後世 英雄記日曹操與劉備密言備泄之於表紹紹知操有 然後刀截血流覆地乃取置器中傳示人取舌還含有 相書曰舌如絳赤者賢人也 約宋書日南郭王義宣生而舌短溢言 '神記曰永嘉中有天竺胡人能斷舌先吐舌示賔客 子曰殷仲堪云三日不讀道德經覺舌本問強 藝文頻聚 五五

之功復有構扇之端讒諛之迹艷紫凌朱飛黄奶白吾 端所贵三寸著名故微言傳乎住記妙說表乎丹青魯 賦深簡文帝古賦日奚私先生問於何斯逸士曰夫三 相書雜要曰吐舌及鼻三公 將欲廢便辟之交遠巧佞之友珍張儀之餘殲蘇春之 談笑而軍却王言詠而瑞隆陸有千金之富周為 後粉虞鄉之白璧碎漢王之玉斗然後淳偽可息淳風 不朽 說

金定正屋人三

次定四車全書 神仙靈龜啓兆於有識前却可通於千年鸚鵡猩猩鼓 告慎銘在金人留侯不得巴而掉三寸亦反初服而效 徒知無舌之通心未盡有舌之必通心也仲尼云天何 論晉張韓不用古論曰論者以為心氣相與因舌而言 手祭辱禍言相尋名福甚希喪元滅族沒有餘哀三緘 與天道不可得而聞是謂至精愈不可聞樞機之發主 言哉四時行馬夫子之文章可得而聞也夫子之言性 卷舌俞氣安得暢理余以留意於言不如留意於不言 藝文類聚

有言哉 種種余奚能為短也公曰吾告二子子尾欲復之子雅 左傳曰齊侯田于莒盧蒲燮見泣且請曰余之髮如此 滴數于北無又曰首有仍氏女生鬒黑美髮而甚美光 不可曰彼其髮短而心甚長其或寢處我矣子雅放盧 弄於龍羅財無一介之存普天地之與人物亦何屑於 藏啓筮曰共工人面虵身朱髮 髮

一久にロー・ストラー 請之宰人曰臣有死罪三援礪砥刀利猶干將切內斷 **犠用祈福於上帝** 吕氏春秋曰昔者殷旱五年湯乃以身禱剪髮自以為 韓子曰文公之時宰人上炙而髮繞之文公名宰人而 禮斗威儀曰君來木而王為人美髮 也奉矣鑪炭内盡赤紅炙熟而髮不焦臣之罪三也堂 而髮不絕臣之罪一也接錐貫臠而不見髮臣之罪二 藝文類聚

可以鑑名曰玄妻樂正后變取之

家語日顏回二十髮白 思為之奈何婦日取五姓之水浴之季曰諾乃浴 計 漢書日蘇武留匈奴十九年始以強壯出及還鬓髮盡 日令公子裸而解髮直出門吾屬佯不見也公子從其 記日藺相如持壁却立倚柱怒髮上衝冠 疾走出門季曰是何人也家室皆曰無有季曰吾見

又曰燕李季好遠出其妻有士季至士在内妻患之妾

得微有嫉臣者乎公乃名其下而請之果然乃誅之

桐葉米汁煮之沐二十日髮長

體髮膚受之父母不敢毀傷孝之始也奈何弄人髮乎

餘繞髻三匝又曰和熹皇后六歲諸兄持后髮后曰身

東觀漢記曰明徳后美髮為四起大髻但以髮成尚有

曹瞞傅曰太祖常行經麥中今士卒無敗麥犯者死騎

士皆下馬持麥以相付時太祖馬騰入麥中太祖曰制

藝文類聚

てこりるべき

金りし 賦 詩 我光儀策名觀國以此見疵将拔將鑷好虧是際白髮 星髮獨與衆中殊 援 法 王隠晉書曰陶侃為吏鄱陽孝廉與親友過侃宿母截 剱割髮以置地 晉左思白髮賦曰星星白髮生於鬓垂雖非青蠅穢 梁何遜白髮詩曰絲白不難染蓬生本易扶唯此星 以供賓諸客嘆曰非此母不生此子也 而自犯之何以即 と一手 下然孤為軍即不可殺請自刑 因

次足四五一个二 一的一學貴其素華匪尚綠葉願我子之手攝子之録 詢紫廬弱冠來仕童髫獻謨甘羅來較子奇剖符英英 號呼何我之冤何子之誤甘羅自以辯惠見稱不以髮 咨爾白髮觀世之途靡不追榮貴華賤枯赫赫問闔 将拔怒然自訴禀命不幸值君年暮逼迫秋霜生而皓 黑而名著賈生自以良才見異不以鳥髮而後舉聞之 素始覽明鏡惕然見惡朝生畫拔何罪之故予觀橋 賈髙論雲衢拔白就黑此自在吾髮臨欲拔瞑目 藝文類 浆 九

鬢斯乃衰 悴之標證棄拍之大漸也滴衣幼齒作狗 序晋嵇含白首赋序曰余年二十七始有白髮生於左 辭 有二毛河清難俟隨時之變見數孔子髮乃辭盡誓以 非 先民國用老成二老歸周周道肅清四皓佐漢漢徳光 固窮首臨玉顏今從飛蓬髮膚至昵尚不克終聊用擬 明 比之國風 不 何必去我然後要禁咨爾白髮事故有以爾之所言 有理曩贵者產今薄酱齒皤皤祭期皓首田里 雖 夏

久已日:二日 莊 說文曰髑髏頂也 后漢之賈鄧弱冠從政獨以垂立之年白首無聞此志 廣雅曰額顱謂之髑髏 **鱽於燕塗忠貞抗於棘路觀將衰而有川上之感觀趣** 含而抱慷慨之歎 失理而為此乎將有凍餒之患而為此乎語卒援觸 子曰莊子使楚見空髑髏擊以馬捶而問曰夫子貪 觸髏 極文類聚 Ŧ

遬 問 髏枕而卧髑髏見夢曰夫死無君於上無臣於下亦無 四時之事與天地為春秋雖南面帝王樂不能過也 除 廣 略 務燒骨數得髑髏三萬餘於江南洲上作大坑葬之 州記曰盧循襲廣州風火夜發奔免者數千而已循 弘之荆州記曰長沙浦圻縣有吕蒙冢家中有一 無何令取道邊死人髑髏繋著忠馬鞍上以為戲笑 極大蒙形既長偉疑即蒙髑髏也 日王忠先因饑噉人五官将與共從駕出行過家 臅

ライスンター ことう 贼寇亂人皆塢壘自保固見山中火起飛埃絕爛十餘 皆惶恐並嚴出將欲擊之引騎到山下無有人但見碎 續搜神記曰永嘉五年張榮為髙平戊邏主時遭曹嶷 **今名共家** 山中無燃火處唯見髑髏百頭布散在山中 大來曬人袍鎧馬毛鸞皆燒於是軍人走還明日往 南州異物志曰烏滸人髑髏破之以飲酒 樹頭大成響動山谷久聞人馬鎧甲聲謂義賊土人 岳文頻聚 主 视

賦後漢張衡觸體賦曰張平子將游目於九野觀化於 骨反子四支髑髏口死為休息生為役勞冬水之凝何 愚答曰吾宋人也姓莊名周遊心方外不能自修公子 推命以夭逝乎本喪此土流遷來乎為是上知為是下 合其朴雲漢為川池星宿為珠玉雷電為鼓扇日月為 如春冰之消况我已化與道逍遙與陰陽同其流元氣 何以問之對曰我欲告之於五嶽禱之於神祇起子素 人方 顧見觸髏委於道傍子平恨然而問之子將并糧

金りしゃんかっち

又也可是公司 宇黃泉余遇感其苦酸哂其所說念爾茶毒形神斷絕 今我全膚消滅白骨連翩四支推藏於草恭孤魂悲悼 形温色素膚音以無良行違皇乾來遊此王天奪我年 選彼幽堂於是髑髏蠢如精靈感應若在若無斐然見 銷原野骨曝大荒余將獨子時服與子嚴裝發以棺槨 路傍余乃俯仰咤歎告于吴蒼此獨何人命不永長身 晉吕安髑髏賦曰踌躇增愁言遊舊鄉惟遇髑髏在彼 燈燭合體自然無情無欲不行而至不疾而速 藝文類聚 Ī

斃三軍乎將嬰茲固疾命殞傾乎將再終數極歸幽冥 伏軾而問之曰子將結繆首劒殉國君乎將被堅執銳 穢之數蕭係潛虚經幽踐阻顧見觸髏塊然獨居於是 說 夢以通情於是伻若有來怳若有存影見容隱厲響而 言曰子何國之君子乎既枉與駕愍其枯朽不惜咳唾 乎叩遺骸而數息衰白骨之無靈慕莊周之適楚儻託 今宅子后土以為永列相與異路於是便別 魏陳王曹植髑髏說曰曹子遊乎陂塘之濱步乎秦

ジビ

たー

久中四号一八日 榮激之不流凝之不停寥落溟漠與道相拘偃然長寢 聽之不聞其聲挹之不沖滿之不盈吹之不凋噓之不 生之說也夫死之為言歸也歸也者歸於道也道也者 之音慰以若言子則辯於辭矣然未達幽冥之情識死 籍反子骸形於是髑髏長中廓皆曰甚矣何子之難語 樂莫是喻曹子曰予將請之上帝求諸神靈使司命報 身以無形為主故能與化推移陰陽不能更四節不能 虧是故洞於纖微之域通於恍惚之庭望之不見其象 藝文類聚 1

黄帝素問曰膽者中正之官斷決出高 矣余将歸於太虚於是言卒響絕神光霧除顧將旋軫 也皆太素氏不仁無故勞我以形苦我以生今也幸變 虚對云死生之必均 土翳以緑榛夫存亡之異勢乃宣尼之所陳何神憑之 乃命僕夫拂以玄座覆以縞巾爰將藏彼路濱壅以丹 而之死是反吾真也何子之好勞而我之好逸子則行 膽

えこう こんか 吳越春秋曰越王欲報怨懸膽於户出入嘗之 吳志曰吕蒙病篤孫權問曰卿如不起誰可代者對 聞昱兵少果不往太祖曰程昱之瞻遇於賁育 則必攻 攻之必克徒兩損其勢願公無疑太祖從之 給在黎陽將南渡程昱守鄄城太祖欲益其兵昱不肯 魏志曰樂進字文謙容貌短小以膽烈從太祖又曰 日表紹擁十萬衆見昱兵少必輕易不至若益昱兵遇 然膽守有餘愚以為可任 藝文類聚

論 管輅別傳曰輅年十五琅邪太守單子春雅有才度欲 使飲之於是輅人人答對言皆有餘 失精神請先飲酒三斗然後與言子春大喜酌三斗獨 名士加有雄贵之資格既年少膽未堅剛若欲相觀懼 見輅輅造之客百餘人有能言之士輅謂子春曰府君 魏嵇康明膽論曰有吕子春者精義味道研數是非 說日姜維死時見剖膽大如斗 現書曰膽識堅定臨難無苟免之意

以為人有膽可無明有明便有膽矣私先生以為明膽 殊用不能相生論曰夫元氣陶樂衆生稟馬賦受有 備降此已往益闕如也或明於見物或勇於決斷人情 受者守其分故吾謂明膽異氣不能相生明以見事膽 **食廉各有所止譬諸草木區以别矣兼之者博於物偏** 少故才性有昏明唯至人特鍾純美兼周外内無不畢 て こりょことう 决斷專明無膽雖見不斷專膽無明則違理失機 藝文類聚 孟 3

-			A CONTRACTOR OF THE PARTY OF	-	
藝文類聚卷十七					金グロアノー
と					息 十七
i .					

心為窈 欽定四庫全書 ここりをという 毛詩曰窈窕淑女君子好述又曰碩人其頹衣錦聚衣 方言曰秦晉之間美貌謂之娥美狀為窕美色為艷美 藝文類聚卷十 如柔夷膚如凝脂領如蝤蠐齒如瓠犀螓首蛾眉又 部 美婦 老美婦人 野婦 藝文麵聚 唐 歐陽詢 撰

金ダロドノノニ 莊子曰毛嫱飃姬人之所美也魚見之深潜鳥見之髙 韓子曰魏王遗楚王美女王甚悦之 禮含文嘉日禹早宫室垂意溝洫則玉女敬養 有仍氏生女髯黑而甚美光可鑒名曰玄妻 左傳曰宋華父督見孔父之妻于路曰美而艷又曰昔 赤鳥美人之地 穆天子傳曰赤烏之人甚好獻二女于天子以為嬖人 口有美一人婉如清揚

黛黑施芳澤長袂拂面善留客又曰美人既醉朱顏酡 慎子曰毛嫱西施天下之至校 成茅也衣以皮褐供欺 毀之為醜惡醜惡之名遠布而一 人てり 豆という 淮南子曰曼容皓齒形姱骨佳不待傅粉芳澤而美者 尹文子曰齊有黃公者二女皆國色以其美也常謙辭 飛 /解曰姱容修態絙洞房蛾眉曼緑目騰光又曰粉白 則見者走易以玄楊則行者皆止 藝文類聚 國之人無敢聘者

戰國策曰張儀曰鄭周之女粉白黛黑非知而見之者 以為神又曰司馬喜謂趙王曰趙佳麗之所也 西施陽文也 倪乃放西伯又曰尹夫人邢夫人同時並幸武帝有 記曰紂囚西伯而閔天之徒以有革氏美女獻科科 飾從者數十人來前尹夫人見之曰非邢夫人帝曰 以言之對曰覩 其 不得相見尹夫人自請武帝願見那夫人帝令他夫 形狀不足以當人主有諂邢

金りロレニ

かんれん ロット という 漢武故事曰起明光宫發燕趙美女二千人充之率取 再得上曰善豈有此人乎平陽主因言延年有女弟上 獨立一顧傾人城再顧傾人國寧不知傾城與傾國住人難 漢書曰李延年善歌侍武帝歌曰北方有佳人絕世而 頭倪而泣自痛其不如也疹曰美女入室惡女之仇也 十五以上二十以下凡諸宮美人可有七八十與上同 乃召見之實妙麗善舞以為夫人 人衣故衣獨身來尹夫人望見之曰真是矣於是乃低 藝文類聚

辇者十六人员数恒使满 皆自然美麗不使粉白黛 得陰麗華後為皇后 東觀漢記曰初光武聞陰麗華美心悅之數曰娶妻當 姿貌絶麗乃徐下地結髻斂手向主曰國破家亡無心 崎漢書曰梁冀妻孫壽色美能作愁眉啼粧墮馬髻 記曰桓大司馬以李勢女為妄桓妻南郡主拔刀率 腰步龋齿笑以為媚感也 十婢往李所因欲斫之見李在窓前梳頭髮垂委地

善遇之 火をロ・ハコー 以至今日若能見殺實猶生之年神色閒正解氣悽婉 吾所愛重不可得也使者還以告故秀勸趙王倫殺之 出放妄數十人皆蘊蘭麝而被羅殼曰在所擇使者曰 干實晉紀曰石崇有故人曰 緑珠美而工舞孫秀乃使 主乃鄉刀前抱之曰阿姊見汝不能不憐何況老奴遂 君侯服御魔則麗矣然本受古索緑珠崇勃然曰緑珠 人求馬崇方登凉觀臨清水婦人侍側使者以告崇崇 藝文類聚

甚爱幸諸姬害其龍殺之 魏略口初表紹子照納甄后熙出幽州后留侍姑及郭 典論曰司隷馮方女國色也表術登城見悅之遂納馬 球矣 貌天下無雙急以進單于單于見此必大愛之則閼氏 破文帝入見紹妻及后后怖伏姑膝文帝曰表夫人令新 桓 禪新論曰陳平說單于關氏言漢有好麗美女其容 舉頭姑乃捧后令仰帝審視見其顏色非凡稱嘆之

喬 都中記曰陳達妹才色甚美髮長七尺石季龍以為夫 吳志曰孫權步夫人以美麗得幸 罷冠後庭又曰周 晉明帝宫 俗說曰宋禕是石崇故綠珠弟子有國色善吹笛後 從孫策皖城得喬公兩女國色也策自納大喬瑜納小 太祖為迎取馬 瑜

欽定匹庫全書 抄 春花紅顏難辱雲髻我我彈琴撫節為我弦歌清濁齊 魏陳王曹植詩曰有美一人被服織羅妖姿艷麗翁若 君屋 理清曲音響一何悲毀急知柱促頗為雙飛燕街泥巢 詩古詩曰燕趙多佳人美者顏如玉被服羅裳衣當戶 誰為發皓齒俛仰歲將暮紫曜寧久恃又美女篇曰美 人容華若桃李朝遊江海岸夕宿瀟湘沚時俗薄朱顏 既亮且和取樂今日建恤其他又雜詩日南國有佳

駕休者以忘飡借問女何居乃在城南端青樓臨大路 子英曜何芬葩玄繁發朱顏睇的有光華傾城思! 魏阮籍詩曰西方有佳人皎若白日光被服纖羅衣左 高 金的紅腰佩翠琅玕明珠交玉體珊瑚問木難羅衣何 女妖且閑採桑歧路間攘袖見素手皓腕約金環頭 右佩雙端又詩曰周鄭天下郊衛衛當三河妖冶問都 級輕裾隨風還顧盼遺光采長笑氣若蘭行徒用息 門結重關容華暉朝日誰不希令顏 ! 1... 大百二

晉傅玄詩曰有女懷芬芳媞媞步東廂娥眉若雙翠明 萱草樹蘭房 愛千歲不相忘傾城迷下蔡容華結中賜感激生憂思 眸發清陽丹唇翳皓齒秀顏若珪璋冷儀希世出無 鮮光容華既已艷志節擬秋霜 江濱逍遙從風翔交甫懷環珮婉娩有芬芳綺靡情歡 古毛嫱首戴金步搖耳繋明月璫珠環約奪腕翠羽垂

金庄四月在一

遺視來相過願為三春遊朝陽忽蹉跎又詩曰二妃遊

欠いるかったなの 羞未上砌微笑出長廊取花爭寶鑷攀枝念藥香但歌 換舉琵琶夢笑開嬌靨眠髮壓落花簟文生玉脫香汗 聊一曲鳴起未肯張自矜心所愛三十侍中郎又詠内 花鬓畔墮微汗粉中光飛鳥初罷曲啼鳥忽度行羞令 梁簡文帝晚景出行詩曰細樹含殘影春閨散晚香輕 人畫眼詩曰北窓聊就枕南簷日未科攀鉤落倚障挿 同安鬟裏撥異作額問黃羅裾宜細簡畫縣重高墻含 白日暮車馬鬱相望又詩曰麗旦與妖嫱共拂可憐粧 藝大類聚

ク・グレ
ア 凉風流搖在影壞**致落異花空佳期在何許徒傷心不** 梁元帝古意詩曰妄在成都縣願作高唐雲樽中石榴 明淨眉眼 同又名士悦傾城詩曰美人稱絕世麗色譬花叢經居 酒機上蒲萄紋停梭還飲色何時勘使君 殿上圖神女宫裏出住人可憐俱是畫誰能辯寫真分 紅紗夫壻恒相伴莫誤是倡家又詠美人看畫詩曰 昭明太子詠照流看落致詩曰相隨照渌水意是重 種細腰身所可持為異長有好精神

火了可 十二十二 水曲好在鳳樓中履高疑上砌裾開特畏風袖輕見跳 **比來桩熙異今世撥襲斜却扇承枝影舒衫受落花狂** 井水照桃紅非憐交甫珮羞使春閨空又美人晨粧詩 梁邵陵王蕭綸見姬人詩曰春來不復 赊入苑駐行車 散黛隨眉廣燕支逐臉生試將持出象定得可憐名 曰比窓朝向鏡錦障復科紫嬌羞不肯出猶言粧未成 脱珠概雜青蟲垂絲繞帷幔落日度房權姓窓隔柳色 整文類果

李城北來往宋家東教歌公主第學舞漢城宫多遊洪

梁庾肩吾詠美人看畫詩曰欲知畫能巧喚 取真來映 酒 洧出艷趙復傾燕繁穠既為李照水亦成蓮朝酤成都 梁蕭子顯美女篇曰章丹暫 輟舞巴姬請 罷 经佳人洪 4. r/ t 解平城圍龍與丹青競又詩曰絳樹及西施俱是好容 並出似分身相看如照鏡安釵等疎密着領俱周正 **興數河間錢餘光幸未惜蘭膏空自煎** 非關能結束本自細腰肢鏡前難並照相將映泳 不好多隨意晚還家 不

次いりうへいる 時新草短猶通係梅花漸著人樹科牽錦帔風横 長 苑看人還詩曰春花競玉顏俱折復俱攀細腰宜 在 看在畏水動飲袖避風吹轉手齊裾亂橫簪歷髮垂曲 梁徐君倩初春攜內人行戲詩曰梳飾多今世衣着 客莫前還 r 滿酌蘭英酒對此得好神 釵巧扶髮洛橋初度燭青門欲上關中人應有望上 人未取谁堪白日移不分他相識唯聽使君知又 **热文類聚** 有

羞 寧關先有期幸非使君問莫作 明 梁 阁 贈美人詩曰巫山荐枕日洛浦 又見都舟人投 口惟 不相 劉孝綽愛姬贈主人詩曰卧久疑杜 歛 銷將盡凝朱半有殘垂致繞落鬓微 眉欲寄同花燭為照遙相思又詠 難對笑更成惟妄心君 開見叙影廉動聞釧聲 物泉如爭之詩曰河流既流流 白 羅敷解夜長眠復坐誰 徘徊定不出常羞華燭 獻珠時一 解挂玉 脱鏡中私自 且 汗染 姬人未肯出 遇便 留冠叉 輕 紈 如 看 為 此 同

大こり ここう 鳥復闖關落華浮浦出飛雞度洲還是日倡家女競 攀又淇上盛荡子婦詩曰桑中始爽爽淇上未湯湯美 衰班曳銷爭掩穀搖 珮奮鳴環客心空振蕩喬枝不 荡子春夜守空牀未見青絲騎徒勞紅粉 人要雜佩上客訪明瑞日暗人聲靜做步上蘭房露葵 桃李顏良人惜美珥欲以代芳菅新嫌疑故素威趙 梁具筠擬古詩曰艷裔陽之春攜手清洛濱雞鳴上 不待勘鳴琴無暇張翠釵挂巳落羅衣拂更香如何 藝文類聚 粧 茂 可

開廉 新 分見此含恨不相看 苑灣暮小平津長裾藻白日廣袖帶芳塵故交一 **倾城今始見傾國昔曾聞媚眼隨羞合丹唇逐笑分風** 梁 王宛轉珠絕金絡紙幕歷懸青鳳逶迤搖白團 知能憶人又古意詩曰妾家横塘北發艷小長安花 王僧孺陳南康新納詩曰二八人如花三五月如鏡 何思澄南苑逢美人詩曰洛浦疑迴雪巫山似旦雲 種色還將兩相 映 誰 能

55

۲-

たいう…こんばす 發聞看知異春夜夜言嬌盡日日態運新已傾尚奉 梁 別有物還是傾城人經共陳王戲曾與宋家鄰未嫁 高樓下當知妾姓秦 名玉來時本姓春粉光猶假 面朱色不勝唇遙望疑花 輝起步搖紅采發吹給陽陽蓋傾月 飄飄馬足塵薄暮 梁 费 视春郊望美人詩曰芳郊拾翠人迴袖探芳春金 卷蒲萄带日照石榴裙自有狂夫在空持勞使君 劉緩詠傾城人詩曰不信巫山女不信洛川神 藝大頻聚 何關

能迷石季倫上客徒留目不見正横 變水色霞濃掩日輪雕甍斜落景畫扇拂遊塵衣香遙 梁徐惟妻劉氏詩曰花庭麗景斜蘭牖輕風度落日更 已度衫紅遠更新誰家荡舟妄何處織練 梁鮑泉落日看還詩曰妖姬競早春上苑逐名臣苔輕 月方神女朝霞喻洛 於静妻沈戲蕭娘詩曰明珠翠羽帳金薄緑綃惟 **杜開簾對芳樹又詩曰東家挺奇麗南國檀容輝夜** 妃 陳 因

大足四年在二 節當鱸却晚寒故香分細煙石炭樓輕納竹葉裁衣帶 陳伏知道詠人妙妾仍逐琴心詩曰春色轉相惟佳 臺 陳徐陵春情詩曰風光今旦動雪色故年殘薄衣迎新 因媒染香風即度登垣花正開貞樓若萬下何如上 心自迴長鄉琴已丟秦家書未來挂冠易分經薦枕 風時暫舉想像見芳姿清晨挿步 風流子佳情肯自私 整文頻聚 ,搖薄晚解羅衣託意 陽 缺

陳江總秋日新寵美人應今詩曰後宮惟聞莫瓊樹絕 並迎春比翼鳥長作照日同心花聞道艷歌時易調忖 将過上蘭 梅花真酒盤年芳袖裏出春色黛中安欲知迷下蔡先 臺夢裏自應通秋樹相思 枕千嬌薦芬香若使琴心一曲奏幽蘭度曲不可終陽 世後有宋容華皆自爭名進女弟定覺雙飛勝荡家願 新恩那久要翠眉木畫自生愁玉臉含啼還似笑角 枝緑為挿賤妄兩襲中又

欠いロ・ハンコ 賦是宋玉登徒子好色賦曰登徒子侍於楚王短宋玉 臺玉軟輕輪五香散金燈夜火百光開非是妖姬渡 蛛梅花柳色春難遍情來春去在須臾不用庭中賦 宫暫迴舞袖驚具市新人羽帳挂流蘇故 史數錢拾翠爭住應拂紅點黛何相似本持纖腰感楚 日定言神女隔河來來時向月別 但願思着弄明珠 入姬人應今詩曰洛浦流風漾淇水秦樓初日度陽 藝文頻聚 嫦 城別時清吹悲簫 人網户織 蚊口

<u>‡</u>

若臣東家子增之一分則太長減之一分則太短著粉 太白施朱太亦眉如翠羽肌如白雪腰如束素齒如含 為好色者矣秦章華大夫在側因進而稱曰臣周覧 行踽僂又疥且痔登徒子悅之使有五子王熟察之 今未許也登徒子則不然其妻達頭擊耳即唇歷齒旁 貝 曰玉為人體貌閒麗口多微詞又性好色願王勿與 入後官王以登徒子之言問宋玉玉曰天下之佳人莫 八媽然 一 笑感陽城迷下蔡然此女登墙窺臣三年

漢司馬相如美人賦曰司馬相 稱也 冶不待飾粧於是處子怳若有望而不來忽若有來而 梁王悅之鄒陽酷之於王曰相如美則美矣然服色容 而解避目欲其顏心顧其義揚詩守禮終不過差故足 不見意密體球俯仰異觀含喜微笑竊視流的因遷延 之陽倉與暗唱羣女出桑此郊之妹華色含光體美容 土足歷五都從容鄭衛溱洧之間是時向春之末迎夏 藝文類聚 如美麗閉都遊於梁王

東隣有一女子玄髮豐艷蛾眉皓齒登垣而望臣三年 若臣者少長西土鰥處獨居室守遠廓莫與為好臣 衛道由桑中朝發漆消暮宿上宫上宫閉館寂寞云庫 於兹矣臣棄而不許 火水中避溺山隅此乃未見其可欲何以明不好色乎 色 冶妖魔不忠將欲媚解取悅遊王後宫相如曰古之避 孔墨之徒間齊饋女而退逝望朝歌而迴車譬猶防 問盡掩暖若神居芳香芬烈輔帳高張有女獨處 聞大王之高義命為來東途出鄭 2

金グロアノー

とこうこうなる 繁霜降兮草木零秋為期兮時已征思美人兮愁屏營 斷當時而呈美冠朋匹而無雙數曰大火流分草蟲鳴 後漢張衛定情賦曰夫何妖女之淑麗光華艷而秀容 然高舉與彼長辭 骨豐肌時來親臣柔滑 重陳角枕横施女乃宛其上服表其中衣皓體呈露弱 無依有美人分來何遲玉釵挂臣冠羅袖拂臣衣茵 若在牀臣逐撫紅為此蘭之山女乃歌曰獨處室兮廓 藝大類聚 如胎臣脉定於內心正於懷翻

些而含紫普天壤其無儷曠千載而特生余心悅於 情以舒爱夜託夢以交靈 若蓮施肌如凝蜜又檢逸賦口夫何妹妖之媛女顏 翠奮其羽泉色燎照視之無主面若明月輝 魏陳琳止欲賦曰媛哉逸女在余東濱色曜春華艷過 既遠也若披雲縁漢見織女立若碧山亭亭豎動若翡 **農爱獨結而未并情罔象而無主意徒倚而左傾盡賜** 似朝日色

後漢祭邕協初賦

口其在近也若神龍采鱗翼将舉

火こロミンスラ 遙懷若交好而通靈 **僭瘁而就牀忽假瞑其若寐夢所惟之來征魂翩** 無深雖企予而欲往非一華之可航展余轡以言歸含 魏 日月之徐邁庶枯楊之生梯道攸長而路阻 君子之攸嬪伊余情之是悅志荒溢而傾移宵炯炯以 硕人乃遂古其寡俦固當世之無降允宜國而寧家實 不寐晝合食而忘飢歎北風之好我美携手之同歸怨 阮瑀止欲賦曰夫何 藝文頻聚 淑女之住麗顏炯炯以流光歷 河廣養而 扁羽

高尚乎貞姜予情悅其美麗無須史而有忌思桃夭之 思交錯以續紛遂終夜而靡見東方旭以既晨知所思 出房户以鄉獨親天漢之無津傷匏瓜之無偶悲織 所宜願無衣之同裳懷紆結而不暢兮魂一夕而九翔 和良稟純潔之明節復申禮以自防重行義以輕身志 獨勒還伏枕以求寐庶通夢而交神 代其無匹超古今而特章執妙年之方威性聰惠以 不得 乃抑情以自 信 神 惚怳而難遇

次定四年五香 就 慘惧而增悲何性命之奇夢愛兩絕而俱達排空房而 魏王祭問邪賦曰夫何英媛之麗女貌洵美而艷逸横 應靈和以挺質體蘭茂而瓊潔方往載其鮮雙曜來今 處室恨年歲之方暮夜獨立而無依情紛拏以交横意 而無列發朝陽之鴻暉流精睇而傾泄既榮麗而冠時 魏應場正情賦口夫何媛女之殊麗兮姿温惠而明哲 四海而無倩超退世而秀出發唐棣之春華當盛年而 在将取夢以通靈目炯炯而不寐心切但而惕驚 藝文頻聚 + +

之芳美情踊躍乎若人魂翩 於中 援中 而不安神助助以潜翔恒存遊乎所觀仰崇夏而長息 偏 查彷徨于路側宵耿耿而達晨清風厲於玄序涼颳逝 之無隅悼流光之不歸愍伏辰之方逝哀吾願之多違 步便旋以永思情惨慄而傷悲還幽室以假寐固展轉 雄肅而特飛異勝言以俯音嗟激迅而難追傷住禽 唐聽雲為之翰鳴察列宿之華輝南星晃而電陨 女而比節余心嘉夫淑美願結散而靡因承窈窕 翩而夕遊甘同夢而交 神

ちつの日ここへには 英 約之麗姿懷婉始之柔情超六列於往古邁來今之清 中林離鳥鳴而相求愁慘慘以增傷悲子安能乎淹流 魏陳思王曹植靜思賦曰夫何美女之媚妖紅顏譽而 晉張華永懷賦口美淑人之妖艷因的昧而傾城揚綽 嫌密而妍詳陰高岑以翳日臨渌水之清流秋風起於 流光卓特出而無匹呈才好其莫當性通暢以聽惠行 動良響而餘歎氣浮踊而雲館腸一夕而九煩 既惠余以至惟又結我以同心交恩好之欽固接情 藝大類聚

昧差錯繆於參差怨禄運之不遭雖義結而絕離執鰋 響而能陳故仙藻靈葩水華玉儀其始見也若紅蓮鏡 神色練練而欲奪光炎炎而若神非氣象之可譬高影 爱之分深誓中誠於暇日要執契以斷金嗟夫天道幽 眉而瑤質亦顱瞳而頳脣灑金花及珠履嫗綺袂與錦 梁江淹魔色賦曰夫 絕世獨立者信東隣之佳人既翠 俟爣皇靈之垂仁長收惟於永已 綿之篤趣守徳音以終始邀幸會於有期異谷華之我

風後欄丹奈前軒碧桐笙歌畹右琴舞池東至乃西陸 學蘅帶無倚桂旗摘芳拾蓝涵詠吐解笑月出於陳歌 鳴瑟若夫紅華舒春黃烏飛時紺蕙 初軟顏蘭始滋不 池其少進也如絲雲出崖五光徘徊十色陸離寶過冊 感蔓草於衛詩氣炎日永離明火中槿榮任露蓮華 とこり 三人にも 而香寂桂煙起而清謐女乃曜邯鄲之麗步媚北里之 承月碧幌延日保虬柱之嚴麗亘虹梁之峻密錦幔垂 同樹價直瓊草共枝於是雕臺繡户當循横術椒庭 藝丈類 聚 十九

骨奇經秦歷趙既無其雙尋楚訪蔡不觀其容非天下 是帳必藍田之實席必浦萄之文館圖明月室畫浮雲言 雖流兮夜何央憶雜佩兮且一念憐錦衾兮以九傷於 始秋白道月珍金波照户玉露暖天氣以濕兮曉未半星 遊遊許火歸而稱曰狹斜才女銅街麗人亭亭似月媽 之至魔孰能與於此哉 **必入媚動必應規有光有艷如合如離氣柔色靡神疑** 沈約麗人赋曰有客弱冠未仕締交戚里馳鶩王室

詩序曰相舟共姜自誓也衛世子共伯昼死其妻守 **火定四車公割 瑶動翠來脱薄粒去留餘騰霑粧委露理髮清渠落花** 薄幕延佇宵分乃至出闇入光含羞隠媚垂雕曳錦鳴 羽 婉如春凝情待價思尚衣中芳瑜散麝色茂開蓮陸離 **珮雜錯花细響離衣而不進隱明燈而未前中步稽** 領微風動裾 息順長廊而迎歸池翻荷而納影風動行而吹衣 賢婦人 藝大類聚

命曰召若必以符令使者不持符妄不敢從使者而行 出遊留夫人漸臺之上而去王聞江水大至使使者迎 水至而死乃號曰貞姜又曰楚白貞姬者楚白勝之妻 妾聞之貞女之義不犯約勇者不畏死守節而已妄知 夫人忘持符使者至請夫人出夫人曰大王與宫人約 列女傳曰楚昭貞姜齊侯之女楚昭王之夫人也昭王 從使者必生留必死也然宴不敢棄約越義而求生大 母欲奪而嫁之誓而弗許故作是詩以絶之 火之四草全百 一 有一美婦人方採桑秋胡子下車暑日苦曝獨採桑吾 子既納之五日而去官於陳五年乃歸未至家見路傍 號口楚貞姬又曰魯秋胡潔婦者魯秋胡之妻也秋胡 聘夫人之位非愚妾之所聞也呉王賢其守節而有義 夫人夫人解曰白公無悉時妾幸得充後宫執箕帶今 白公不幸而死妾願守墳墓以終天年今王賜金璧之 百鎰白壁一雙以聘馬因以輜斬三十乘迎之將以為 也白公早死其妻紡績不嫁呉王聞其美使大夫操金 藝文頻聚

海<u>堅妾宜以身薦棺槨守養幼孙不得專意妄聞婦人</u> 姬 力田不如逢少年力桑不如見公鄉今吾有金願與夫人 得梁王闡之使相聘之高行曰妾之夫不幸先犬馬填 寒高行者梁之賓婦早 寡不嫁梁貴人爭欲取之不能 而已矣吾不願人之金也秋胡子還家奉金遺母母使 行道遠願託桑陰下一食婦人採桑不報秋胡子謂 人呼其婦婦乃向採桑婦婦乃自投於河而死又曰梁 人口採桑力作紡績經織以供衣食奉二親養夫子

炎定四車全書 面亂 手婦前抱持乃絕後郡內遭賊高死君難禮修以碧塗 疾病其女來視臨田却女曰我因矣絕命當在賢婦之 初無愠色引過自咎姑後知之乃變意厚加愛敬後姑 也字禮修姑嚴酷無道小怒則罵大怒則罰禮修恭承 高其節號曰高行又曰漢中趙高妻者同郡張氏之女 乃接鏡操刀以割其鼻曰妾巳刑餘之人殆可釋矣王 頭稱痛懷刀在身意氣烈决賊不迫也叔父於其 往不改以全貞信之節棄義而從利無以為 藝文類聚

喪沒鄰比斷絕曠觸冒經營尋復病亡靜感其義遂誓 弟妹靜懼為作所害乃出見之曰實感朱曠為妄父而 如其不然請守之以死乃舍之又曰蜀景奇妻者羅氏 廣德羅勤之女也為同縣朱曠所聘昏禮未成勤遇病 年壯欲更嫁之禮修懷既至死為誓又曰丹陽雅靜者 之女字貢雕奇亡無嗣貢羅專心供養父青以許同郡 死是以託身亡者自誓不貳辛苦之人願君哀而舍之 不嫁有楊祚者多將人衆自住納幣静乃逃竄祚初其

益一年而寡守令具厚因入問度度引刀截髮縣長吏 復造媒介度曰前斷髮謂之表心何惧復有斯言哉欲 にこりき から **慨請死不從州嘉而許馬又曰犍為相登妻者名度適 率詩貢羅與父書陳其情志歷年不歸後青受遠使詩** 澌 玉玉五歲而長卿卒懼見謗嫁既不歸寧兄弟時往 取刀割鼻左右救止又曰沛 白州告縣發遣貢雕貢雕乃由徑道諸州白訴言意懷 遠疑言不及外玉年十五死乃援刀割耳明已不二 藝文類聚 郡劉長卿妻者生一男字 . 防

紀配生見禮義豈獨使古人擅名哉作詩三章以諷父 家姬不肯歸迎者以父母命迫之姬遂操刀割耳及鼻 姬年十八配奇一年而奇亡慎以姬少寡無子迎還其 配口梁高行割鼻告誠以全其節求生害仁仁者不為 名 如於是迎者空反又曰廣漢廖伯妻者同郡段氏之女 曰父起我者不過以我年少而色美令已殘矣行將馬 在喪側者無不感傷又曰呉孫奇妻者廣陵范惧女名 紀配性聰敏達於詩書進退閉眼父母将有所許紀

金グロアノニ

次定四車全書 一 賣以供其費後羊子得遺金一餅以與貞義貞義曰喜 祭又曰河南貞義者樂羊子之妻羊子出學貞義截髮 遭義無離貳終不肯歸升後感悔尋師遠學四年乃歸 嘗不垂淚而言榮父疾升呼 荣欲改嫁之荣曰命之所 聞君子不以利汙行羊子怒而棄之鄰人欲犯貞義而 遂致名譽為州所辟遇切被害荣手刃殺升者以首還 誕博戲不治操行荣躬勤家業以養其姑勸升學問未 母乃援刀街指又曰具許升妻者吕氏之女名柴升遊 藝文類聚 Ī

豫章從父與賊交通郡收族之妻年少有色太守客請 之女也受聘未及配適遭亂賊欲犯之臨之以刃曰不 久之太守間其夫在遂還其妻又曰會稽程素者程氏 口無怨言郡吏及客憐更還救請免既得活乃自割耳 以為妻守死不從以還太守付吏殺之臨死顏色不變 曰貞義又曰留子直妻者漢末擾攘隨夫之從父客居 貞義仰天而歎以刀刎頸而死太守以大夫禮葬之號 切其姑貞義操刀而出鄰人曰從者可不從者殺汝 姑 - フ・コ × 1.1 遂下黄金装 詩晉傅玄秋胡詩曰秋胡納今室三日宦他鄉皎皎潔 索 宋顏延之秋胡詩曰燕居未及好良人顧有達脱中 婦姿冷冷守空房嫌娩不終夕別如參與商積誠馳萬 從者今即死矣素曰我可得而殺不可得而辱賊遂殺 里既至兩相忘行人悅令顏借息此樹傍言以逢卿 外結經登王畿戒徒在昧旦左右來相依蠶月觀 整大贖罪

斷織激子廣以墳與應達知禮敷述聖道 特晉左九嬪 金玉聲如何久為別百行您諸巳愧彼行露詩甘之長 節 **眼桑野多經過佳人役所務窈窕援高柯傾城誰不顧** 孟軻母赞曰鄒母善尊三徒成教都止庠序祖豆是 涘 停中阿南金豈不重聊自意所輕義心多苦調密 祝理証形圖丹青名件樊虞 班姨好赞口怕怕班女恭讓謙虚解益 此 饵 進

ジ

Ľ

てこり・・ へい 賓哀崩高城訴情官是遂赴淄川託驅清津 齊義繼母赞曰聖教玄化禮貴信誠至哉繼母行合典 齊紀梁妻贊曰遭命不改逢時險屯夫卒莒場郊馬不 荆武王夫人都曼贊曰天道惡盈極數則微邈哉都曼 經不遺宿諸義割私情表德來裔垂則後生 心哄禍幾親兆數亡考德知衰賢智卓殊邈哉難追 昭遺俗榮津志遠神遼 狂接與妻贊曰接與高潔懷道行謠妻亦永清同味文 藝文簡聚 千八

節 安特挺行高水潔操與霜整性揚蘭芳德振玉穎椅彼 金ケロアノー 剡人也夫人資三靈之淳懿誕華宗之澄粹奇朗照於 魯敬姜贊曰邀矣敬姜含徳之英于行則高于理斯 晉滔鈕母孫氏公孫夫人序赞曰夫人姓公孫氏會稽 垂訓子宗属發奇聲宣尼三數萬代遺馨 **氏有行則德配女儀禮服有盈邁豆無闕猗敷夫人 齡配四教成於弱并慈思温恭行有秋霜之潔祇心** 性同青春之和敦悅憲章動遵禮規居室則道齊師 制 明

徳靡顯靡靡其操翼翼其仁明景内映朗節外新芳徵 碑晉張林陳夫人碑曰夫人姓徐吳郡嘉與人也夫 立 風邁湫慎其身 柔惠清順中和聖善婦徳既倫母道亦踐志屬水玉厥 瓊林奇翰有集展攸碩媛含德來綺動與禮遊靜以義 人嘉德足以合禮恭順不惰其心明烈寔備其體若夫 /府靈粹誕兹淑貞聰哲明敏温恭柔順體仁足以長 . . . 藝文類聚 ŧ

德聖主令典旌善表操有邦威務伏見族祖吳國亡民 書晉鈕滔母與虞定夫人薦環夫人書曰瓊聞與賢崇 金定四广人 職宗姐有聲奉禮未周彦母喪殞喪殞半年彦在亡没 始弱笄出適皮氏未逾半年耸京殞没京兄弟三人相 解晉湛方生上貞女解曰伏見西道縣治下里龍憐 前無立子家欲改熙誓而不許 富春孫彥妻環少厲令節服膺道教速適孫氏恪居婦 環率禮奉終抗義明節傾竭私產以供葬送禮服既終 各十八 年

資躬親機杼之勤數年之間三喪俱舉四節蒸當于今 者或毀髮膚之體以絕求者之望或自經溝中苟全不 てこし コーハイ 若斯者也憐蓋草菜之婦人耳生於此谷之中長於荒 榛之下目不見尺素之文耳不聞今古之説師心率已 奪之志雖操存而身亡行立而形虧寡能無全其道始終 許守節窮居於今五十餘年矣詳觀之遺烈書于記傳 不報志存匪石之固行無片言之玷賢良屢聘誓而勿 藝文頻聚

尋問落外靡期功之親內絕盾嗣之繼憐貨其父母之

金ケロルノー 尚書曰五福一曰壽 易曰枯楊生荑老夫得其女妻 口眉壽 釋名曰九十日鮐背或曰黃者或曰凍梨或曰鯢齒或 説文曰老考也七十曰耆八十曰耋九十曰耄 揮今問不彰非所以表賢崇善激揚貞風也 蹈兹四德抑可謂禀靈山岳自然天知者矣而形管 老

氏以饗禮殷人以食禮周人修而兼用之又曰六十養 黄耆鲐背以引以翼 衰六十非內不飽七十非帛不煖又曰五十杖於家六 於國七十養於學八十拜君命一坐再至又曰五十始 て・19・・ ここ 記曰百年曰期順又曰凡養老有虞氏以無禮夏后 詩日執子之手與子偕老又日酌以大斗以祈黃者 杖於鄉七十杖於國八十杖於朝 口燭之武對鄭伯曰臣之壯也猶不如人今老矣 藝文類聚 £

無能為又口晉悼夫人食與人絳縣人或年長矣使問 圖將浮五老飛為流星上入昴 論語讖曰堯舜遊首山觀河渚乃有五老遊河渚曰河 回七十三矣 百有四十五甲子矣其季於今三之一也使問諸師曠 之年口臣小人也不知紀年臣生之歲正月甲子朔四 無謂我老達而舍我也必恭恪於朝朝夕以警戒我聞 國語曰昔衛武公年九十有五敬言於國曰苟在朝者

金定匹广生正

11 mry 1 10(5) 10 艾 周書口文王召太子發曰嗚呼我身老矣吾語汝我所 孟子曰伯夷避紂居北海之濱間文王作與曰盍歸乎 弗欲則不可為也 尚書中侯曰齊桓公封禪謂管仲曰寡人日暮仲父年 保與守守之哉傳之子孫 一二之言必誦志而納之以訓尊我 尸子曰湯問伊尹曰壽可為耶伊尹曰王欲之則可為 藝文類聚

老也 戰國策曰昔者秦魏為與國齊楚約攻魏魏使人求救 來吾聞西伯善養老太公避紂 居東海之濱間文王作 史記曰秦始皇謂王翦曰將軍老矣何怯也又曰武帝 於春冠盖相望秦救不出魏人有唐且者年九十餘謂 與口盍歸乎來吾聞西伯善養老者二老者天下之大 之且說秦王秦王遂發兵救之 魏王曰老臣请西記秦令兵出可乎曰敬諾遂約車遣

金グレル

シート・ニー グ・・ 教文先生曰惡將我使而老哉使我投石拔距乎追車 孟嘗君孟嘗君曰先生老矣春秋高矣多遺忌矣何以 求治尚書天下無有間伏生能治欲召之是時伏生老 韓詩外傳曰齊桓公見畝丘人曰叟年幾何對曰臣年 不能行詔晁錯住受之 八十三矣公曰美哉壽也又曰楚丘先生被養帶索見 藝文類聚

亂事申公時已年八十餘矣又曰伏生秦博士孝文欲

使使來帛加壁安車駟馬迎申公至見天子天子問治

金丁ロトノー 漢書曰馮唐以老為郎文帝輦過問曰父老何自為郎 說苑曰楚文王伐 鄧使王子華子靈精英二子出探老人載 辱宣帝以武者節老臣令朝朔皇號稱祭酒 年百餘歲乃卒又曰張安世薦蘇武明習故事奉使 畚從乞馬不與搏而奪之畚 神而決嫌疑吾乃始壯矣何老之有 赴馬乎吾將死何暇老哉將使我深計而遠謀乎設精 又曰張蒼口中無齒飲乳妻妾以百數曾孕者不復幸

7.19 .. 1.19 許援曰臣尚能被甲上馬帝令武之援據鞍顧盼以示 進 神仙傳曰淮南王安好道術八公詣門門者見垂白不 秋祠老人星于國南郊 長九尺端鳩飾鳩不噎之鳥也欲老人不噎也又曰仲 續漢書曰民年七十者授之以玉杖餔之以糜粥玉杖 東觀漢記曰馬援年六十二請繫五溪蠻帝愍其老未 可用帝笑曰矍鑠哉是翁遂遣援 八公皆化成童子色如桃花門吏白王王迎之登思 藝文網駅 Ŧ

老答曰蒲柳之姿望秋而落松柏之姿隆冬轉茂 也 相與鋤禾莠住車問三叟何以得此壽又新詩曰少壯 世說口顧悅與簡文同年而髮早白簡文問曰卿何以先 詩魏應璩詩曰古有行道人陌上見三叟年各百餘歲 述異記曰尹雄年九十左髮生角長寸半 濑鄉記曰老聃計其年紀時已一百餘聃無老耄之貌 仙之臺八公還成老人授之要道 火色四草气 生旅葵 魏阮瑀詩曰白髮隨櫛墜未寒思厚衣四支易解倦行 咄奈老何 為秋日草 晉張載詩曰氣力渐衰損髮髮終以皓昔為春月華 面目澤長老顏色麤麤配人所惡拔白自洗蘇 晉陸機詩曰軟顏收紅藥玄髮吐素華冉冉逝将老出 步益疎遲常恐時歲盡魂魄忽高飛自知百年後堂上 藝文類聚

慮栖懷抱疇昔少年時皆以歸大造 禮忽在今辰使反身敝廬待終窮卷臣又聞之懸車散 星星白髮垂 梁簡文帝詩曰昔類紅蓮草白玩渌池邊今如白華樹 梁范泰詩曰枉生竟何豫未云修已老華髮飄悴容苦! 表梁沈約致仕表曰徒以桑榆無幾時制行及不朝 梁孔壽老詩曰盛年 歌吹日顧步惜容儀一朝哀朽至 還悲明鏡前

なトン

髮其來舊矣昔廣德請骸義在量力二疏知止懼贻後 次ピロンという 奉耐變狹室於高門改小冠於倭服況復還周級其六 雲為漢雅捧待異陸離蟬組照灼潘旗受服推穀執珪 悔數年以來稍就盡竭氣力衰耗不自支持若蒙天地 梁王僧孺為韋雅州致仕表曰一旦攀附遂無涯限排 祈 **是假荣終朝踟蹰夕景少觀盛化宅壤歸泉自無云幾** 大恩造物洪施抵其隆滿之切救其害盈之災譬彼日 仁仰澤事止寸陰 藝大期聚

朝采飄零已及仰朱闕而掩涕向濠谷而自悲宣復式 賜猶多 贍 春之景 樂重力彈斯斃何者日暮途遠前哲所以告歸漏盡載 **印歸齊列其五鼎常懼輪輕載積基薄塘高器覆危傾** 周王褒為庫狄崎致仕表曰倪音赴曲操 人指鬼瞰老與年并疾隨衰及途遙齒截漏迫鐘鳴高 拱點仰接鐘鼓儻帷蓋未親東岳稍駐擊壞鼓腹其 一科不周之風忽至菌螅夕陰條駛無幾堇蕣 終 则 11 傾身

次定四年 会司 禮便釋朝衣謹遵初服方同孔光之杖載遊户庭廣德 柴由恩澤雖虚名靡實世官非才 年力方强雖不能 **之車方懸私館** 退今三元肇慶六吕司春得奉萬壽之盃豫祭百辟之 漏盡前史有夜行之誠五陵鼎族家傳軒冕四姓鄉 為新猶悲假續況復星迴日薄通人有乞老之言鐘鳴 陳徐陵為王儀同致仕表曰尺波歸海恒歎不居爝火 馳昔賢以之知退 极大频果 仸

疏後漢班超上城曰蠻夷之俗畏壯侮老臣超大馬齒 阶 耄常恐年衰奄忽僵仆孤魂棄捐自以壽終屯部誠無 恨但願生入玉門關不敢望到酒泉郡 藝文類 聚卷十八